

Arte, Arqueologia y Literatura a bria Diabierna anochi

ORANJESTAD

Instituto di Cultura tabata yen di bida Diabierna anochi. Un publico grandi a bin presencjá e anochi cultural, organisá pa Museo Arqueologico Aruba y Instituto di Cultura.

E actividad aki a conta cu presencia di Su Excelencia Gobernador mr. Olindo Koolman y su distinguida señora. Minsiterio di Cultura tabata representá pa sr. Nando Curie.

Presentenan por a disfrutá di un charla cortico di sr. Jacques Thonissen, kende a conta con e eventonan den su buki, cual el a scirbi dos aña pasá, a resultá di



ta masha similar na eventonan actual. E publico tabatin oportunidad pa cumpra e buki di sr. Thonissen y combersá tocante su inspiracion pa scirbi esaki.

Alumnonan di EPB di Ballet Folklorico bao direccion di Wilman Aristizabal a impactá cu nan baile pa presentá e obheto di luna di Museo Arqueologico Aruba. Dos alumno di EPB a introducí e obheto na publico y tur hende por a admirá e "Skalchi di Savaneta" cu wordo poní mei mei di e patio di Instituto di cultura.

Tanto Su Excelencia Gobernador, su señora y publico en general por a disfrutá despues di e exposicion di arte visual "E autoretrato nobo". Hopi hende a tuma oportunidad pa drenta Museo Arqueologico Aruba y sera conocí cu e parti importante aki di nos herencia cultural.

E anochi a sigui cu un presentacion di Stan Kuiperi, kende a splica publico general con pa wak cu "dos wowo habrí" un exposicion di arte en especial esun di "E autoretrato nobo". Su presentacion tabata dirigí na e publico grandi cu kier siña comprendé obranan di arte

di nos artistanan mihor.

Ballet Folklorico a presentá nan "Baile di Savaneta" pa clausurá e anochi exitoso aki. Museo Arqueologico Aruba kier gradicé tur esnan cu a yuda haci e actividad aki uno exitoso. Na tur esnan cu a duna un presentacion e anochi ey y na esnan cu a yuda promé y durante e evento. Na medionan di comunicacion cu a promové e evento y "last but not least" na e publico Arubano cu a respondé cu entusiasmo na e invitacion di Museo Arqueologico Aruba y Instituto di Cultura.